



"Ingatlah, cabaran dunia pasca-kampus lebih getir. Tiada yang dapat membantu diri kita untuk terus bergerak maju melaikan ilmu, pengetahuan dan keupayaan diri sendiri. Gunakanlah setiap inci pengetahuan dan pengalaman yang ditimba semasa di universiti sebagai perisai menghadapi cabaran di luar sana",

Dato' Noraini Ahmad.

## Warga B'HEM perlu proaktif bekerja

*"Kualiti mestilah disahkan melalui mata kasar kerana ia merupakan sesuatu yang sangat diharapkan dalam penerimaan dan pemberian perkhidmatan atau barangan. Oleh itu, dalam usaha membantu universiti melahirkan graduan berkualiti, sokongan dan paduan tenaga kerja dari segenap lapisan jawatan perlu digembleng," Hj. Ghazali.*

Oleh: NOR ELLINA AB. RAZAK

Foto: Ahmad Fua'ad Alwi

**SERDANG (10 Mac)** – Sebagai meneruskan kesinambungan untuk memberi sumbangan kepada penerokaan ilmu dan kemajuan manusia serta pembentukan kekayaan dan pembangunan negara, Prof Madya Dr. Azali bin Mohamed, Timbalan Naib Canselor (Hal Ehwal Pelajar & Alumni) menyampaikan Perutusan Tahun 2006, di Panggung Percubaan, Pusat Kebudayaan dan Kesenian Sultan Salahuddin Abdul Aziz Shah, UPM baru – baru ini.

"Saya menyeru kepada semua warga Bahagian Hal Ehwal Mahasiswa (BHEM) berusaha memberikan sumbangan maksimum potensi masing-masing. Kita

harus sedar kewujudan B'HEM adalah untuk menambah nilai kepada mahasiswa kita yang bakal menjadi pemimpin masa hadapan," kata perangsang Dr. Azali Mohamed.

Perubahan terkini menyaksikan pertukaran beberapa pegawai universiti termasuk di Bahagian Hal Ehwal Mahasiswa. Pertukaran ini diharapkan dapat menambahkan lagi kecemerlangan BHEM. Diikuti, mewujudkan seksyen baru iaitu Seksyen Pembangunan Sahsiah bertujuan untuk membantu melahirkan mahasiswa yang berketrampilan unggul.

"Tahun ini juga kita perlu bekerja kuat untuk mendapatkan pensijilan MS ISO 9001:2000 dan dalam masa yang sama sudah tentu kita akan sibuk dengan tugas-tugas hakiki serta melaksanakan program-



Ucapan oleh Dr. Azali menuntut sepenuh komitmen warga B'HEM



Pemberian penuh simbolik... Joliah Hussin, Omar Osman memberikan cenderahati kepada Ketua Menteri Melaka (berita selanjutnya di muka surat 19)

Foto: Abu Kassim Zaini

program bagi pembangunan sahsiah mahasiswa kita. Cabaran ini haruslah disambut oleh semua staf BHEM dan kita harus bertindak sebagai manusia yang kelas pertama. Adalah perlu semua staf saya, mampu menjangka perkembangan dan bertindak dengan lebih proaktif. Kita perlu menjadi pekerja yang kompeten serta bersikap positif agar mampu menangani segala perubahan yang ada," tambahnya lagi.

Tiga komponen utama misi BHEM turut diumumkan. Pertama, mengasah dan mengangkat martabat keterampilan ataupun nilai-nilai tambah mahasiswa. Kedua, terpenting di peringkat fakulti dan komponen yang ketiga ialah perkhidmatan korporat ataupun 'corporate services' seperti Pusat Kesihatan Bahagian Keselamatan dan sebagainya.

Menurutnya lagi di hadapan semua warga BHEM, kita mesti berterusan menjadi pekerja yang kreatif, inovatif dalam mengukur tugas kita. Kita juga mesti memberikan yang terbaik dan bekerja dalam satu pasukan untuk mencapai kejayaan. Jadilah pekerja yang bermaklumat dan peka tentang perubahan yang berlaku agar segala urusan kerja tiada kesilapan.

Beliau menegaskan di akhir ucapannya, kita semua mempunyai peranan yang penting di peringkat masing-masing untuk memastikan kerja-kerja yang masa yang ditetapkan. Segala urusan kita hendaklah menyumbang ke arah pencapaian visi, misi dan objektif universiti. Seterusnya, kita harus mengorak langkah ke hadapan dengan lebih bersemangat dan berusaha agar lebih terbilang.

## SAMBUTAN PERAYAAN

### Jubli Intan

UNIVERSITI PUTRA MALAYSIA

### 2006

